

# MME AKPATRE UFEN ITIABA

Eriyarare 15:1-8; 16:1-21

QYQHỌ UKPEP-ŃKPỌ 463

Eke Ikpọ Owo

**IKỌ IBUOT:** “Ke mikpesibeke mme usen oro emuhọ, baba owo kiet ikpọbọhọke; edi kabaña ndimek ikọt Abasi eyesibe mme usen oro emuhọ” (Matthew 24:22).

## I Ńkukut John Ke Abaña Mme Andikan Ke Heaven

- 1 John okut mmọ emi “ekekande ebọhọ unam oro.” Eriyarare 15:2; 13:4, 8; Ńwed Mbon Rome 8:35-37
- 2 Mmọ ekwọ ikwọ Moses, ye ikwọ Eyen-erọñ, Eriyarare 15:3; 14:3; Exodus 15:1
- 3 Ukara Ke Tọsin Isua enyene nditiene akpatre ubicirikpe Abasi emi ediñwañade eduọk ke isọñ, Eriyarare 15:4

## II Mbeñe-idem Ndiñwaña Akpatre Ufen Itiaba Nduọk

- 1 John okut nte ebererede Itie-ukpono Abasi ke Heaven, Eriyarare 15:5
- 2 Angel itiaba oro ebọ mme eso eke akpatre ufen itiaba edọñode ke esit, Eriyarare 15:1, 6-8; Exodus 40:34, 35

## III Ediñwaña Eso Ition Emi Eyọhọde ye Iyaresit Abasi

### Nduọk Ke Isọñ

- 1 Enọ mme angel oro uyo ete “eka”, Eriyarare 16:1
- 2 Eñwaña akpa eso eduọk, Eriyarare 16:2; Exodus 9:9-11
- 3 Eñwaña udiana eso eduọk, Eriyarare 16:3; Exodus 7:17 Eriyarare 8:8, 9
- 4 Eñwaña oyọhọ eso ita eduọk, Eriyarare 16:4-7; 8:10, 11; 18:24; Matthew 23:34, 35
- 5 Eñwaña oyọhọ eso inañ eduọk, Eriyarare 16:8, 9
- 6 Eñwaña oyọhọ eso ition eduọk, Eriyarare 16:10, 11

## IV Ediñwaña Oyọhọ Eso Itiokiet Nduọk Ye Nte Armageddon ekperede

- 1 Enam mbeñidem ebaña Armageddon, Eriyarare 16:12-14
- 2 Etim udim “ekọñ akwa usen Abasi, andikara kpukpru ñkpọ,” Eriyarare 16:14, 16; 17:14; 19:17-21; Joel 3:1, 2
- 3 Christ edi ke isọñ ndiñwana akpatre akwa ekọñ emi, Eriyarare 16:15, 1:7; 2 Ńwed Thessalonica 2:8

## V Ediñwaña Oyọhọ Eso Itiaba Nduọk

- 1 Esim utit iyaresit Abasi, Eriyarare 16:17
- 2 “Emireñ-mireñ, ye mme uyo, ye obuma etibe, akamba unyek-isọñ onyuñ odu,” Eriyarare 16:18; Matthew 24:29; Isaiah 29:6; 2:19-21
- 3 Ebem iso etiñ ebaña iduọ Babylon, Eriyarare 16:19; 14:8; 18:5
- 4 Etiñ ebaña ikpọ edim itiat emi edepde, edi mme owo eka iso esuñi Abasi, Eriyarare 16:21; 11:19; Exodus 9:23-25.

## SE EKPEPDE EBAÑA

Ini enyene-ndik ukut ye akwa ndutime emi ayañade ifiọk owo kedi. Iyaresit Abasi eyesim ererimbot emi koro enye ekesinde mbọm emi Abasi ọkọñode ke ofuri emana. Ke oyomde ndisim ñtọñọ ini emi, eyeñwaña ubiere-ikpe Abasi eduọk, ubiọñọ ididuhe. Eyenọ mme owo iyip eñwọñ koro mmọ “edot.” Nso utọ enyene-ndik ñkpọ! Usem owo ikemeke ndinam otim añaña mme ñkpọ-ntibe emi edidade itie ke isọñ ke ini Akwa Ukut. Nnyin imodomo adaña nte ikekeme, ndida ifiọk emi Ikọ Abasi ọñode nnyin, ndikere nte ñkpọ editiede, edi, ke akpanikọ, ekikere nnyin omum ata ekpri ntọi, ke abaña enyene-ndik ñkpọ-ntibe eke edisimde mmọ emi eduñde ke isọñ ke ini ukut emi.

## “Nte Afia”

Nnyin imofioƙ ite mme ubierikpe emi kedi, edi mbon ererimbot ifioƙke. Nnyin imokot ke Nwede Abasi inyuñ ifioƙ ite ke ofuri ntiñ-nnim ikọ emi edude ke Nwede emi eyeworo esu. Edi, edi mmem-mem owo ndikop ukworo-ikọ nnyuñ ñkot ntiñ-nnim ikọ edi “ifioƙke.” Kpa nte ekedide ke mme usen Noah, nte enye obopde ubom, enye ke okworo-ikọ, edi okposuk edi mme owo ekekopde ukworo-ikọ esie, ema edoho ebaña mmọ ete, mmọ “ifioƙke tutu ukwo edi edimen mmọ kpukpru efep.” Mmọ emi idighe ikpikpu ikọ. “Owo eke enyenede uton ndikop, yak okop.”

Mme ufen emi eyeworo ukem-ukem nte ewetde. Kpa nte mme ufen emi Abasi okodonde ono mbon Egypt ke eyo Moses ekedide akpaniko, mmọ emi eyedi ntre. Mmọ eke enyenede idionoro unam oro eyedoro idioƙ oyo eke abiakde eti-eti: eyenam inyañ ibom akabare edi iyip ndien kpukpru ñkpọ ke inyañ eyekpaña; kpukpru akpa ye idim mmọñ eyekabare edi iyip emi oworo ete kpukpru se ikamade mmọñ eyekabare ekama iyip. Utin eyefiop tutu oforo owo ikañ-ikañ, ndien kpa ye oro mmọ idikabakere esit. Mme idioƙ ini ntem mmọñ edisim kpa idem ebiet eke afo ye ami idunde ke esit, ke ntre edi itie nnyin ndikut nte ke imebeñe idem ibet eridi Jesus, ntre ke nnyin ididu ye enye ke Udia-ndoro Eyen-eroro ke ini Akwa Ukut adade itie ke isoro.

Ke ini nnyin itimde ise edidianare ufik-ñkpọ itiaba oro ye edifri obukpono itiaba ye edinwaña mme eso itiaba oro nduok, nnyin ikut nte mme ufen oro esuk edionde-dion esoro ekan etiene nte edinam kiet-kiet edade itie. Mme eso itiaba oro edi iduok akpatre ubierikpe emi Abasi edidonde. Edi ke idem ini eke mmọ edude ke akpatre idioƙ itie, mme owo idinyimeke ndikabare ntiene Abasi, utu ke oro, mmọ eyesoro esit esuni Abasi ke ntak ukut mmọ.

## Mme Andikan

Ke ñkukut John, enye okokut udim owo ke Heaven ke edara ke iso Abasi, ekama mme harp Abasi. Mmọ ekekwo ikwo Moses ye eke Eyen-eroro. Mmọ eketoro Abasi ke erifak emi Enye akafakde mmọ osio ke ubok Andibionoro-Christ ye ke mme enyene-ndik ñkporo-ntibe emi ekedade itie ke isoro. Osuk etie nte ebuana odu ke ufoto ikwo iba emi. Ikwo Moses ekedi enye emi nditoro Israel ekekwo ete adañemi efakde mmọ esio ke ukut mmọ ke Egypt, ndien idahemi ñko etoro ntak ekwo enye, edian ye ikwo Eyen-eroro. Nso utibe ikwo ke oro edidi! Etie nte emi owut ete ke udim owo “emi ekekande eboho unam oro ye mbiet esie ye ibat enyiñ esie,” enyuñ edade ke mben inyañ glass oro, ye harp Abasi ke ubok mmọ, ekedi mme Jew. Nte ekpededi, edi ata akpaniko ete nnyin ikpekemeke ndida itie Ikoro Abasi emi ñwut nte ke idorenyin erinyaña odu ono mmọ eke edunde ke idak unwana Ukperedem Edim eti-mbuk eke ayamade ntem, edi etrede ndibuana ke Ntañ-ndok. Eyedu mmọ eke edisonde eda ke akpaniko ndien eyeyak uwem mmọ enoro ke abaña ikoro-ntiense mmọ akan ndiboro idionoro unam oro; edi afo emi okotde mme Ukpep-ñkporo Nwede Abasi emi onyuñ okopde mme ñkporo eke ekpepe, idorenyin fo ndikut Abasi ke emem odu ke ndifioƙ ke akpaniko, ete ke imoro imebeñe idem ndisaña ye Oboro ke ini Enye edidide ke ikpa-enyoro ndida Nwan-ndoro Esie. Ntañ-ndok ufok-Abasi ekeme ndida itie ini ekededi, ndien ke akpaniko enye eyeda itie mbemiso osim ata okposoro idaha ufen Akwa Ukut emi edisimde isoro.

## Edinen Ubierikpe

Abasi, ke ama okonim usuñ ndida mfak owo, otim enen ke ini Enye onode owo ufen oto ke edisin ufak oro. Ndisuk owo ekeme ndikere ete Abasi ima ididone oruk ufen oro inoro mme andidun isoro. Edi mmọ eyom mme ufen oro, ye ntak, ke adañemi mmọ esinde ikot mboro Esie enyuñ etrede ndida usuñ ufak emi enimde man eboho mme ñkporo eke Enye etinde ono nnyin ete eyedi. Anditiñ ntiñ-nnim ikoro Isaiah onoro notoro onyuñ owut usuñ ufak eke enimde ke Isaiah 26:20, 21. “Ikot mi, mbufo eka ekeduk ke mme ubet mbufo, enyuñ eberi itim mbufo ebaha idem mbufo; edibe ini esisit ntem, tutu ikpahesit ebe. Koro, sese, Jehovah omoro oto ke ebiet Esiemoro oworo, ete inoro ererimbot ufen ibaña mme idioƙ ido mmọ: ndien isoro eyeyarare iyip esie, idinyuñ ifukke aba nditoro esie emi ekpanade afai.”

Emi otim etiñ añaña nte edide mmem-mmem owo ndiboho. Enye asian nnyin ete ke imekeme ndinyene ifet ye ufañ ndidu ye Oboro ke ini Akpa Eriset. (Iyekpep oyoro-oyoro ke ukpep-ñkporo efen ibaña ifet eke mbon ntañ-ndok enyenede). Edi ke adaña ini emi enwañade mme eso ufen emi eduok, eyeda mme ñkporo eke akananam miduhe, midinyuñ iduhedu aba enoro mme owo eke esuhode mi ufen.

## Ubọñ Abasi

Nsuñikañ emi ọkọyọhọde Itie-ukpono Abasi ke Heaven ye ubọñ Abasi emi John okokutde do eti nnyin abañ ndise emi okowutde idem ke ini ekebererede usuñ itie-ukpono Abasi Solomon. Mme idaha ñkpọ emi kiet-kiet ayarare owut nte Abasi ekerede abañ mbubehe owo. Enye otim etiñ enyin onyuñ ọdiọñ owo ke ini mmọ ekponode enye ke akpanikọ enyuñ enọde enyiñ Esie ubọñ. Enye otim etiñ enyin ke ini mme owo esọñde ibuot enyuñ esinde ndinam uyo Esie; ndien ke ini edọñde ubierikpe, oro ñko edi ke ubọñ Abasi. Abasi edi Abasi ima, edi enye ikpekemeke ndinen edieke mikpọnọhọ ufen ke idi ọ k-ñkpọ. Akananam isidọñke ufen ibọhọke ebem iso ewut mbọm.

Ke Heaven, angel oro ama ọdọhọ ete, “O Edisana Abasi, emi odude-du, okonyuñ odude-du, Afo emenen ke ikpe emi ekpede ntem.” Ke ini Christ okodude ke isọñ, Enye akada ikpa ebin mme ọkpuhọ-okuk ke itie-ukpono Abasi efep, koro mmọ ema enam ufọk Jehovah akabare edi itie mbon ñwo. Kpa ntre iyaresit Abasi emi ediñwañade ke ini akwa ukut eyenọ Enye ubọñ, ndien kpukpru mmọ emi ema ekefak ke ofuri emana eyedara ye Enye ke mme ikpe emi, idighe koro enọde mme owo ufen, edi, edi koro ubierikpe Abasi emenen.

## Ukut, Edi Edikabaresit Iduhe

Ndusuk owo eyedọhọ ete ke ini akwa ukut edidide mmimọ iyekabare esit inyuñ iyom Abasi. Edi ke ini utin okofiopde eti-eti tutu ọfọp mme owo ke ọkpọsọñ ufiop, mmọ ekesuñ enyiñ Abasi edi ikekabakere esit. Erikabare esit isitoho ke ufen ikpọñ-ikpọñ, edi esito ke edidemere ifiok owo emi otode Edisana Spirit. Ke ini emi ewutde ata nnen-nnen nte idiok-ñkpọ ọdiokde, anam-idiok okut ndien nte idiok-ñkpọ imọ ọ diokde, onyuñ ọfiok ete ukpọñ imọ eyetak ibọhọke, imọ ifiori ikot Abasi iyom mbọm ke ata erikabaresit. Ndusuk owo edisim idaha enye emi oto ke afanikọñ, edi ñwak-ñkan owo emi enyenede ata akamba mfina ekeme ndifre Abasi ke ini oro, koro mmọ ema ebem iso ekọmọ ke mme afanikọñ. Ñko ke ediwak idaha, mme idiọñ ye mme utibe-ñkpọ inamke owo ekabare esit. Ete nnyin Abraham ama ọdọhọ owo inyene emi okodude ke hell ete edieke nditọ-ete esie ition mikonimke Moses ye mme anditiñ ntiñ-nnim ikọ ke akpanikọ, mmọ idinimke ke akpanikọ owo okpototo ke otu mme akpa-mkpa etiene mmọ.

## Akpatre

Ke ediñwaña akpatre eso nduok, nnyin ikop mme ikọ emi, “Ama okure ama.” Edọhọ ntem ete, “Emi etiñ ọnọ nnyin nnen-nnen oto ke idem itie-ikpe ete mi ke esim utit, ñko ye ediñwaña mme eso nduok emi, ofuri se isañade ye iyaresit Abasi emi eñwañade ke ererimbot emi omokure.” Ke Ekọñ Armageddon, emi ndidem ye mme udim-ekọñ ererimbot emi editimde idem mmọ ndiñwana ye Christ ye udim-ekọñ Esie, eyekan mme ndiọ odudu emi, emi edidade eriyarare eridi Esie esobo mmọ. Eyenam mmọ emi ebọhọde nsobo edu ke nsuk ibuot ye ñkop-uyo ke idak ukara Christ, koro adañaro ke enye ediwuk ebekpo Ukara Ke Tọsin Isua ke isọñ emi.

Ediwak ikpọ ñkpọ-ntibe eyeda itie ke eriyarare idem Christ. Ke ema ekenyene udeme ke Udia Ndọ Eyen-erọñ, akwa ifet eke mme andibọhọ enyenede edidi ndifiak ndi ye Christ, ndoro ke mfia enañ-mbakara, nnyuñ ñkara nnyuñ nda ubọñ ye Enye ke tọsin isua.

## MME MBUME

- 1 Ke ukpep-ñkpọ emi mme andikan ekekan anie?
- 2 Nso ekedi ntak ikwọ Moses?
- 3 Didie ke ekeme ndida ikwọ Moses ndomo ye ikwọ Eyen-erọñ?
- 4 Ke mmọñ ke John ekebem iso okut nte eyararede ndise emi?
- 5 Didie ke ekeme ndida mme ñkpọ-ntibe ke Itie-ukpono Abasi ke Heaven ndomo ye eke Itie-ukpono Abasi Solomon ke edibererede usuñ esie?
- 6 Me eyenam mmọñ ke mme akpa ekabare edi iyip? Nte akananam oro ada itie?
- 7 Nso ini ke ediñwana Ekọñ Armageddon?
- 8 Udim ekọñ Abasi edito ke mmọñ edi?